

Shash PETAPAN

Shash Petapan tipatshimun no.1 - Shetan-pishim^u 2025

Eshi-uitakanit tipatshimun ne Mamuitun Petapan

Ne ka natapishtatunan Nishtutatun Petapan, eshk^u anutshish tshitshipanu atusseun. Mamuitun Petapan, tapuetatishu tshetshi nukutat atusseunnu mak shutshenitamunnu ashit nenua innua uiatatussemat, e nishtiht e taht Mamuitun. Iat animiun ka tepaimahk anite ashpimitshuakanit ka natapishtatunan, nitenitenan, mishta-apatan tshetshi uitamatahk, tanite e tanan atusseun, tshe eshi-katshitinimahk kie tshe ishi-uanitaiahk mak tshekuan utinakanipan aimun umue mashten peik mak pushkupipuna utat. Umue mashinaikan, Shash Petapan, ui aiashtam^u tanite etananit atusseunnu.

Tshitshissenitenau, neme 31 uinashku-pishim^u 2024, ishpitenitakuanipan tshishik^u, ne e uitakan ka natapishtatunan ne Nishtutatun Petapan. Katshi peiku-pipuna ueshapanit, ka uitakan tshe tshishtakan e natshishkatunan, innu-utshimauat uitamupan mak mashinaitshepan tshetshi mitshet petaminiti auennua, nenu eka niashatak utaimun ne Uepishtikueiau Tshishe-utshimatat, ekue eka minupuanit tshetshi tshishtapanit atusseunnu.



Eshi-uitakanit tipatshimun ne Mamuitun Petapan

Iat e mashinataikau tatu-tshishikua tshe ui tshishtaht netshishkatuht, Uepishtukueiau Tshishe-utshimatat, uin, nakatam^u ka pushipan atusseunnu. Uepishtikueiau atsheuipan ka natshishkatunanit, miam kutuasht tatu-pishimua, uiesh nete 31 uinashku-pishimua 2023. Issishueu ua apashtat tshetshi kaut uinuau natshishkatuht Tshishe-utshimauat mak ukaiatusseshima. Nenu ka itatusset Uepishtukueiau, natuenitamupan peikunnu tshekuannua tshetshi «minuashtakanit». Muk, nenu eshi-natuenitak, ishinakuannu, shash ka tshishtakanit atusseunnu : ishi-mashinataim^u nenu tshe ishi-katshitinak kie tshe ishi-uanitat anite Uepishtukueiat, ui kaut aimuashtam^u nenu shash ka tshishtapanitakanit ka natapishtatunan. Nenu eshi-natuenitak, takaim^u passe nenua shash ka mashinataikanit atusseun Nishtutatun.

Atusseuna iapataki ka tshishtapaniti :

- **Shikuan 2024** : Natapishtunanipan tshetshi ueshi-tshitatakaniti ne tshe ishi-katshitinakaniti kie tshe ishi-uanitakaniti ute Uepishtikueiat.
- **8 nuasht 10 Shetan-pishim^u 2024** : Innu-utshimau Gilbert Dominique, uitshekupan, Nicolas Wapistan, Nutashkuaniunnu, issimepan nete, shash 17^e ka natshishkatunan ne Nations Unies, Innuat uiatakanit utipenitamunuau nete Genève, uinepanat nenua Uepishtukueiau, eka ui tshishtapanitaniti nenu atusseunnu Nishtutatun.
- **Nipin 2024** : Aimitunanu ashat Utauau ukaiatusseshima ne ka natapishtatunanit e uitakan, tshetshi mamushatshina aimuna, ne uiatakaniti, mamitshetuaait eshinakuaki Tshishe-utshimau tipenimitishuna.
- **Takuatin 2024** : ishkanitakuatshin, mitshetuaau natshishkatunanipan, ekue minakanit mashinaikanu ka itatussenan, pishimuss 2024, anitshenat Nekaussé e nishtiki innu-assia. Ka natshishkatunan, mitshet nishtutatunanipan ne uiatakaniti tshe ishi-katshitinak kie tshe ishi-uanitat Uepishtukueiau, mishta-atussepan Mamuitun Petapan mak Innuat. Aishkatish, ekue eka tapuetak Uepishtikueiau.



Eshi-uitakanit tipatshimun ne Mamuitun Petapan

- **19 pishimuss 2024 :** Natshishkatunanu Innu-utshimauat ute Mamuitun Petapan etaht mak kupanish katipenitak Tshishe-utshimaua Legault mamuitunu, utshimau Martin Koskinen. Uineu nenua Uepishtukueiau, tshe patshitinaminiti tshekuannu eshi-natuenitak tshetshi tshishtapanit nenu ka uitakanit tshe ishi-katshitinak kie tshe ishi-uanitat Uepishtukueiau.
- **29 tshishe-pishimu 2025 :** Natshishkatunanu Innu-utshimauat ute mamuitun Petapan etaht mak Tshishe-utshimau Uepishtukueiau, tshetshi uitakanit atusseun Nutinamu-Chauvin
- Miam neme ka itatussenan, mitshetuat ninatshishkuatan Tshishe-utshimau Anandasangaree, ka takuaimatak Relations Couronne-Autochtones tshetshi uitak piashtepaniti Canada ute atusseunit Petapan Nishtutatun.
- **Epishiminishkueu 2025 :** Uepishtukueiau niminukunan nete ka natapishtatunanit uin « e ishi-natuenitakanit, ui tshishtapanitau nenu ka kukuetshimunanit, tshetshi peikutat utaimun ». Uepishtukueiau ui tapuetam^u passe ka uitakaniti tshe ishi-katshitinak kie tshe ishi-uanitat, muk takuannua passe, eka tapuetak, nenua shash ka tapuetatishuht anitshenat kanatapishtatsheshit ka mamuituht, ka takuatshinit. Kassinu eshi-kanuenimakuht kaiatusseshit, kutshipanitapanit tshetshi uauitahk ne eshi-natuenitakanit mak ne Uepishtukueiau shiaputuepanit uin etenitak, uipat ninishtutuanan, uin, eka ui natau-mishkak tshetshi tshishtapanit. Ekue, Innuat mak Tshishe-utshimau Canada, eka utinakanit nenu ka ishi-natuenitak.
- **9 uinashku-pishim^u 2025 :** Aimun mamuk ka utinakanit, mashinatauishupanit Canada mak anitshenat katakuaitsheshit Essipit, Mashteuiatsh mak Nutashkuan. Ne aimun uitakanu e pushipaniht Tshishe-utshimau Canada mak Innuat anite atusseun Nishtutatun, miam neme ka uitakan shiship-pishim^u 2023.



Eshi-uitakanit tipatshimun ne Mamuitun Petapan

- **Shiship-pishim^u 2025** : Innuat ka uishamaniht mak innu-utshimau Essipit mak Nutashkuanit, tepanit nete l'instance permanente des Nations Unies sur les questions autochtones (UNPFII) tshetshi uinaht nenua Uepishtukueiau, eka apashtaniti la Déclaration des Nations Unies sur les droits des peuples autochtones (DNUDPA).
- **Shiship-pishim^u 2025** : Ka uitakan tshe mashinataushunan Utaua Tshishe-utshimatat, ekue nakaikan ka natapishtatunan. Ekue mamuituht innu-utshimauat nete Uepishtukueiat, uitamuat tshetshi tshishtapan ne atusseun Nishtutatun.
- **9 nissi-pishim^u 2025** : Uepishtukueiau niminukunan umashinaikan ka uauetashtat nenu uin eshi-natuenitak. Nenu e ishi-natuenitak, uauitakanu anite ka natapinan ashpimitshuakanit.
- **Nissi-pishim^u 2025** : Natshishkatunanu ashit Tshishe-utshimau ka takuaimatak uiatatussemaniti Innua mak Kaissimeua, Ian Lafrenière.
- **Nissi-pishim^u mak uapikun-pishim^u 2025** : Shaputuepananu nete ka natapishtatuht anitshenat nikan ka tshiminakaniht mak Uepishtukueiau.
- **Shetan-pishim^u 2025** : Metikatish kaut uauitamuakanuat tipatshimunu innuat.

Iat ma mitshet e tepaimahk eka minupuaniti nitatusseunan, eshk^u shaputuepananu e natapishtatunan ashpimitshuakan ashat Uepishtukueiau Tshishe-utshimatat. Innu-utshimauat tapuetatishuat tshetshi shaputuepanit atusseunnu Nishtutatun Petapan.

E ishpitenitakanit utipenitamunuau Innuat mak ne shash ka tshishtakanit etenitakanit nete ka natapishtatunan ashpimitshuakan.



Innuat utapunau anite Atusseau-katshitapatakanit (Espace membres)

Innuat uetshipaniht anite Essipit, Mashteuiatsh mak Nutashkuanit, tshika tshi katshitinamuut tipatshimunu e uitakanit atusseun Nishtutatun.

Ute tshika natenau www.petapan.ca , atusseu-katshitapatakanit, tshe uinishieuk!

Eukuan umue tshika nashatenau :

Ushkat pishtepaniuini :

1. Ne tshe atuaiman « espace membres » anite ishpimit takuan, anite tetshe tshiminun
2. Ne tshe atuaiman « Première visite ? »
3. Mashinatai tanite tshe itishaimakauin tapishinini atusseu-katshitapatakanit
4. Ne tshe atuaiman « S'inscrire »
5. Nishua tshika mashinaimakaun :
ushkat ne tshika uitamakun shash uiatimak tshimashinaikan, minuat kutak, tshika uitamakun shash uianishun.
6. Minuat ui pishtepaniuini, tshe nashataman eshi-uitamakuin anite tshiminun ka takuanua.

Shash katshi-uinishuni :

1. Ne tshe atuaiman « Espace membres » anite ishpimit takuan, anite tetshe tshiminun.
2. Mashinatai etashtet meshinaimakauini atusseu-katshitapatakanit mak ne ui tapishinini.
3. Ne tshe atuaiman « Connexion »